



Uunga  
Inatsisartunur ilaasortaq  
Malik Berthelsen  
-/maani

**Inatsisartunut ilaasortamut Malik Berthelsenimut, Siumut, § 36, imm. 1 tunngavigalugu apeqquteqaataanut allakkatigut akissut.**

**Naartuersittarneq tassanilu pinaveersaartitsinermit suliniutit pillugit Naalakkersuisunut apeqqut**

Inatsisartunut ilaasortap apeqqutaanut qutsavigaara (uingasunngorlugit allatat)

*Naartuersittartut 900-it missaaniittut ukiumut qanoq annertutigisunik inuttut aningaasarsiaqarnersut nalunaarsorneqartarnerlutik?*

Arnat 900-t ukiumut naartuersittartut taakku isertiannik naatsorsueqqissaarinernik peqanngilaq. Akerlianik ukiut ingerlaneranni amerlassutsinik pitsaassutsinillu misissuinernik ataasiakkaanik suliaqartoqartarsimavoq, taakkulu takutippaat naartuersinnissamik aalajangertarnerit inuttut atukkanut arlalinnut anertuumik attuumassuteqartut, tassalu:

- Naartuersinniartut amerlanerit kisermaajupput
- Naartuersinniartut sivikitsumik ilinniagaqarsimasuusarput
- Naartuersinniartut amerlanerit suliffeqanngillat
- Naartuersinnissamik kissaateqartut amerlanerit kalaallisut oqaaseqartuupput
- Naartuersinniartut amerlasuut ilinniartuupput
- Aappaqarnermik, aningaasatigut inissamillu ajornartorsiutit naartuersinnissamik aalajangernermit sunniuteqartarput

Taamaammat arnat naartuersinnissamik aalajangertut taamatut amerlatiginerat inuiaqatigiinni pissutsinut atatinnerullugu isigineqassaaq. Naalakkersuisut kissaatigaat naartuersittartut ikilissasut, kisiannili naartuersittarnermik ilisimasat tunngavigalugit isumaqarpugut pingaartuusoq naartuersinnissamik aalajangertut assuarineqassanngitsut pinerluttutullu isigineqassanngitsut, tassa taakku amerlanertigut taamatut aalajangernerminnut tunngavissaqartarmata.

Akerlianik Naalakkersuisut kissaatigaat naartuersittarneq pillugu anguniakkat Inuuneritami akuerineqartut aallaavigalugit pinaveersaartitsinermit suliniuteqarneq nukittorsarneqassasoq, tassalu:

- Naartunerit tamarmik kissaatigisaassapput
- Innuttaasut ajoqutaanngitsumik atoqateqartarnermit tunngatillugu iliuuseqarsinnaassusiat siuarsarneqassaaq
- Naartuersittartut 2012-imi 50 %-imik ikilismanissaat siunertaavoq.

Naartuersittarneq pillugu annertunerusumik anguniakkat taakku tunngavigalugit ingerlaavartumik iliuuseqartoqartarsimavoq iliuusissatullu pilersaarusiortoqartarsimalluni. Taakku takuneqarsinnaapput uani "Naartuersittartut ikilisinneqarnissaat pillugu 2008-miit

5. februar 2010  
Sagsnr. 2010-025176  
Dok. Nr. 302311

Postboks 1160  
Tlf: 34 50 00  
Fax: 32 55 05  
3900 Nuuk  
Email: pn@gh.gl  
www.nanoq.gl

2012-imut iliuusissatut pilersaarut”, tassanilu suliniutit aalajangersimasut arlallit allaaserineqarput, makku ilanngullugit:

- Naartunaveersaartitsinermi napparsimmavinni sulinermi periutsit ingerlaavartumik pitsanngorsarneqartassasut
- Naartunaveersaateqarnermik allattuiffinnik pilersitsisoqassasoq
- Napparsimmavinni sulineq pitsanngorsarniarlugu ilaqutariinnermi pilersaarusi-orneq ilinniartinnit ilinniakkanut ilanngunneqassasoq
- Meeqqat atuarmianni kinguaassiuutinik ilinniartitsineq pinngitsoorani ingerlanneqartassasoq uteqqinneqartarlunilu.

Naartuersittarnermik ilisimatusarnerup takutippaa anguniagaq anguniarlugu suliaqartut akornanni aamma suliaasaqarfiit akimorlugit suliniuteqarnissaq pingaaruteqartoq, taamaammallu nakorsat, peqqissaasut, peqqinnissamat assistentit, ernisussiorlut aamma meeqqat atuarmi suliniuteqarnermi peqataatinneqassasut.

Anguniakkat allaaserineqartut anguneqarnissaannut iliuusissatullu pilersaarutit piviusunngortinneqarnissaannut periutsit assigiinngitsorujussuusinnaapput. ”Maniitsumi periuseq” atornerqarsinnaasut ilagaat.

”Maniitsumi periutsimi” aallaaviuvoq Maniitsumi innuttaasut ajoqutaanngitsumik atoqateqartarnermut tunngatillugu iliuuseqarsinnaassusiannik siuarsaneq, angutitut, arnanut, meeqqanut inuusuttunullu naleqqussakkamik naartunaveersaartitsinermik annertuumik paasisitsiniaanikkut. Periuseq iluatitsiviulluarsimavoq, tassa naartuersittut 2006-imiit 43 %-imik ikileriarsimammata.

*Maniitsumi naartulernaveersaarnissamat periuserineqartoq nunatta sinnerani atulersinneqassava?*

Naalackersuisut aalajangiusimavaat Maniitsumi periuseq nunap sinneranut siaruarneqassasoq, tassanilu suliaq aallartitinnikuullugu. Tamanna isumaqarpoq Naartuersittartut ikilisinneqarnissaat pillugu 2008-miit 2012-imut iliuusissatut pilersaarut 2006-imi suliarineqartoq maannakkut nutarterneqartoq aamma Maniitsumi periutsimut naleqqussarneqartoq.

Naartuersittarnerup ineriartornera ataavartumik malinnaavigineqarpoq, taamaalilluni iliuusissatut pilersaarutit napparsimmavinnilu sulinerit ataavartumik naleqqussarneqartarlutik. Peqqinnissaqarfiup aqqissuusaaqnerata allanngortinneqartussaanera pisutigalugu assigiinngitsunik suliaqartut aalajangernikuupput maannakkut iliuusissatut pilersaarutaasoq nutarterneqassasoq, marlunnillu assigiinngitsunik ingerlaveqartinneqassalluni.

1. ”Nuummi periuseq” tassani pissutsitut naleqqussarneqassaaq, aamma
2. ”Maniitsumi periuseq” aallaavigalugu sinnerissami napparsimmavinni peqqissavinnilu ataatsimut suliniuteqartoqassaaq.

Ilimagineqarpoq pilersaarutit peqqinnissaqarfimmi pisortanit akuerineqarniaripata maannakkut suleriaatsit annertuumik nutarterneqarnissaat suliaq tamatuma kingunerissagaa.

Inussiarnersumik inuulluaqqusillunga